



Broj: 09-04-5-9671/25
Sarajevo, 21.08.2025. godine

Na osnovu člana 13. Statuta Fonda za profesionalnu rehabilitaciju i zapošljavanje osoba sa invaliditetom („Službene novine FBiH“, br. 28/11 i br. 52/25), a u skladu sa Mišljenjem Federalnog ministarstva rada i socijalne politike broj: 06-31/14-1356/25 BB od 13.08.2025. godine, privremeni Upravni odbor Fonda za profesionalnu rehabilitaciju i zapošljavanje osoba sa invaliditetom, na 73. sjednici održanoj dana 21.08.2025. godine d o n o s i

O D L U K U

Član 1.

U postupku ostvarivanja prava kod Fonda za profesionalnu rehabilitaciju i zapošljavanje osoba sa invaliditetom kao dokaz o statusu osobe sa invaliditetom, a prema Mišljenju Federalnog ministarstva rada i socijalne politike broj: 06-31/14-1356/25 BB od 13.08.2025. godine, uvažava se:

- Za kategoriju „neratnih invalida“ – uvažava se svaki nalaz, ocjena i mišljenje Instituta za medicinsko vještačenje zdravstvenog stanja izdato u periodu od 2007. godine pa nadalje (znači nalaz za ovu kategoriju donesen primjenom propisa o RVI - period do 2009. godine, Privremene liste invaliditeta - period do 2010. godine, Liste invaliditeta i Naputku za primjenu iste - period do 2021. godine, te Jedinственог правилника о критеријима и поступку медицинског вјештачења здравственог стања и јединствене Liste invaliditeta - period od 2021. godine pa nadalje) što je u skladu sa članom 5. Zakona o profesionalnoj rehabilitaciji, osposobljavanju i zapošljavanju osoba sa invaliditetom. Validan dokaz o invaliditetu može biti i rješenje prvostepenog ili drugostepenog upravnog organa, u kojem je naznačeno da je ocjenu invaliditeta i stepen oštećenja organizma utvrdio Institut za medicinsko vještačenje zdravstvenog stanja, koja je bila osnov za njegovo donošenje - original ili ovjerena fotokopija.
- Kategorija lica sa intelektualnim teškoćama - bilo koji akt (rješenje, potvrda, uvjerenje, nalaz) nadležnog organa iz kojeg je vidljivo da se radi o licu sa intelektualnim oštećenjem lakog ili umjerenog stepena ili nalaz, ocjena i mišljenje Instituta za medicinsko vještačenje koji se smatra važećim za kategoriju „neratnih invalida“, što je u skladu sa članom 15. stav 6. Zakona o profesionalnoj rehabilitaciji, osposobljavanju i zapošljavanju osoba sa invaliditetom (za ovu kategoriju ne mora biti naznačen obavezni procenat invaliditeta) - original ili ovjerena fotokopija.
- Za kategoriju ratnih vojnih invalida – uvažava se nalaz, ocjena i mišljenje Instituta za medicinsko vještačenje donesen nakon početka postupka revizije u julu 2010. godine (original ili ovjerena fotokopija) ukoliko je iz nalaza moguće utvrditi da se radi o „revizionom nalazu“, odnosno ukoliko isto nije moguće, odgovarajuća potvrda/uvjerenje nadležne

službe za boračko - invalidsku zaštitu o utvrđenom procentu vojnog invaliditeta (original ne stariji od dana objavljivanja javnog poziva). Za slučaj ostvarivanja prava na novčanu nadoknadu dostavlja se originalna potvrda/uvjerenje službe za boračko - invalidsku zaštitu o utvrđenom procentu vojnog invaliditeta i ista ne može biti starija od 15 dana od dana podnošenja zahtjeva. Kao validan dokaz o invaliditetu mogu poslužiti i rješenja upravnih organa o zadržavanju statusa RVI nakon okončanih revizionih ili sudskih postupaka provjere statusa (original ili ovjerena fotokopija).

- Za kategoriju civilnih žrtava rata - kao dokaz uvažava se kao i kod „neratnih invalida“ svaki nalaz, ocjena i mišljenje Instituta za medicinsko vještačenje zdravstvenog stanja izdat u periodu od 2007. godine pa nadalje. Kao validan dokaz mogu poslužiti i rješenja nadležnih upravnih organa, koja su donesena na osnovu nalaza Instituta u kojem je utvrđeno oštećenje organizma kao CŽR, a koji je bio osnov za donošenje rješenja - original ili ovjerena fotokopija.

Član 2.

Sastavni dio ove Odluke čini akt – Mišljenje Federalnog ministarstva rada i socijalne politike broj: 06-31/14-1356/25 BB od 13.08.2025. godine.

Član 3.


Stavlja se van snage Odluka Upravnog odbora Fonda za profesionalnu rehabilitaciju i zapošljavanje osoba sa invaliditetom broj: 01-05-5-1832/16 od 22.03.2016. godine i Odluka o dopunama navedene Odluke broj: 01-05-5-1832/16 od 08.09.2016. godine.

Član 4.

Ova Odluka stupa na snagu danom donošenja.



PREDSJEDNIK UPRAVNOG ODBORA


Dr. Senad Pešto

Dostaviti:

- Direktor
- Sektorima/Službama Fonda
- a/a